

Հ Ա Մ Ա Խ Ե Ց Ի

ԹՐԻԱՍԻՐՈՒԹԻԻՒՆ,

ԹԷ

ԹՐԻԱՄՈԼՈՒԹԻԻՒՆ

54

Տուր պատասխանի անդամին, զի մի ևս յանդգնեցի յանդգամութիւն իւր:

«Աստուածաշունչ»

Ընդդիմախօսական

ԵՂԻՇԷ Ա.-Բ. ԳԵՂԱՄԵԱՆԻ

«ՏԱՃԻԿՆԵՐԸ ԿՈՎՎԱՍՈՒՄ ԵՒ ԲՍԳՈՒԻ ԱՆԿՈՒՄԸ»

ԳՐՔԻ ՊԱԹԻՒՆ.



1920 թ.

Թ. Ի Ֆ. Լ. Ի Ս.

9(47.925)

6388

6-28

Գաւիւրիտի

Իր քանակը որոշուի թիւ
թիւ Գաւիւրիտի

Հ Ա Մ Ա Խ Ե Ց Ի

ԱՆՉԳՅԻ ԽՈՒՅՈՒՄ 1920 թ.
2614 անօր

ԹՐԻԱՍԻՐՈՒԹԻԻՆ,

9(47.925).197

ԹԷ

ՅՏՈՒԳԱՍ Է 1961 թ.

ԹՐԻԱՄՈԼՈՒԹԻԻՆ

Տնւր պատասխանի անգգա-
մին, զի մի ևս յանդգնեսցի
յանգգամութիւն իւր:
«Աստուածաշունչ»


A I
1961

Ընդդիմախօսական

ԵՂԻՇԷ Ա.-Ք. ԳԵՂԱՄԵԱՆԻ

«ՏԱԾԻԿՆԵՐԸ ԿՈՎԿԱՍՈՒՄ ԵՒ ԲԱԳՈՒԻ ԱՆԿՈՒՄԸ»

ԳՐՔԻ ՎՈՐԹԻԼ.



1920 թ.

Թ Ի Յ Լ Ի Ս.



1841

[Faint handwritten text]

[Faint mirrored text]

[Faint mirrored text]

[Faint mirrored text]

[Faint mirrored text]

[Faint mirrored text]

[Faint mirrored text]

[Faint mirrored text]

[Faint mirrored text]

[Faint mirrored text]

[Faint mirrored text]

Ը Ն Թ Ե Ր Յ Ո Ղ Ի Ն

Նուխու և Արէշի շրջաններից սկսեալ՝ Գեօքչայի, Շամախու, Բագուի և Ղուբայի հայութեան գլխին հասած վերջին տարիների աղէտների ու պատուհասների ձեռագիր աշխատութիւնից շարահիւսեցով այս ընդդիմախօսականը, լոյս ենք ընծայում Եղիշէ քահանայ Գեղամեանի ,,Տաճիկները Կովկասում և Բագուի անկումը“ գրքի գէմ:

Ձեռնհաս անձերին թողնելով վերը լիշած գրքի լայն քննադատութիւնը, մենք այս էջերում հերքելու ենք Շամախում, Գեօքչայում և մասամբ Ղուբայում տեղի ունեցածների մասին շարայարած այն ստերը, որ հեղինակը առանձին իմն հաճութեամբ լերիւրել է որոշ և դիտաւորեալ նպատակով, առանց ,,անձամբ անձին“ տեսնելու և իրազեկ լինելու անց ու դարձին:

Ուստի, ընթերցող, Եղիշէ քահանայ Գեղամեանի նման գրելացաւով բռնուած լինելը չէ

շարժառիթ այս ընդդիմախօսականի լոյս ընծայման ներկայ թանկ ու կրակ օրերին, այլ՝ վերականգնել ոտնահարուած ճշմարտութիւնը, ցոյց տալ նման հեղինակին իր արժանի տեղը, ընթերցել նրա գրքերի ասլագայ քննադատին նիւթեր և քեզ, ընթերցող, մի հաճելի ծառայութիւն մատուցանել, որ ըստ արժանոյն գնահատես նրա հասկանալով ու անժամանակ լոյս ընծայած անկըշուադատ գիրքը, որին մենք վիժուածք անունը կարող ենք տալ:

Շ ա մ ա խ ե ց ի

Թրքասիրութիւն, թէ թրքամոլութիւն

Եղիշէ քահանայի լոյս ընծայած „Տաճիկները
Կովկասում և Բագուի անկումը“ գրքի ա. պրակի
76-րդ էջում ծանօթութիւն կայ գրուած, որից
երևում է, որ Շամախու շրջանում „1917 թուի
դեկտեմբերի սկզբից մինչ 1918 թուի մարտի 14-ը
այլ և այլ դէպքերում, այլ և այլ տեղերում ըս-
պանուած հայերի թիւն է 63, իսկ թրքերինը՝
75 հոգի“:

Հեղինակը ուրիշի իսկ տուած առատ նիւթե-
րը վայրէջելոյ օգտագործելով և դասաւորելով,
առիթ է տալիս բողոքելով բողոքելու և լայտա-
րարելու, որ այդ ծանօթութիւնը, ինչպէս և Շա-
մախուն վերաբերեալ՝ բոլոր գրածները արդիւնք
են միայն և միայն նրա քմայքի թելադրութեան:
Նա շատ լաւ գիտէր այդ ընձեռած նիւթերից, որ
Շամախու կողմերում առաւել ևս՝ թրքերը օս-
մանցիների մուտքը Կովկաս հեշտացնելու նպա-

տակով, մի կողմից զինաթափ էին անում կովկասեան ճակատից հեռացող զօրքերը, զինելու համար իրենց հրոսակախմբերը, միւս կողմից ճանապարհները վտանգելով, երկաթուղին փակելով և հայրսութեամբ զբաղուելով՝ գազազում, անհարին էին դարձնում արևմտեան և պարսկական ճակատներից Բագու հասած հայ զինւորների վերադարձը դէպի տուն: Ճանապարհներին հանդիպած հայերին կամ սպանում էին և կամ բռնութիւն կողոպտում: Շատերն իրենց զիւղերն էին հասնում արիւնաթաթաւ, միայն սպիտակեղէնով: Առանձնապէս խիստ էին վարւում հայ զինւորների ու երիտասարդների հետ:

Հաշուի առնելով երկու անգամուայ՝ 1918 թուի սկզբի զինեալ ընդհարումների ժամանակ Նաբուր և Բըջով թրքական զիւղերի մօտ սպանուած ու վիրաւորուած հայերին, որոնց թիւը 20-ից անցնում էր, և որոնց զիակներն անգամ լանձնելու համար սպանող թուրքերը առանձին վարձատրութիւն էին պահանջում, մինչև 1918 թուի մարտի 14-ը թուրքերը սպանել էին ճանապարհներին, զիւղերում՝ միայն Շամախու գաւառացիներից մօտ 63 հայ, որոնց անունները և սպանման ժամանակն ու տեղը ստորև մէկիկ մէկիկ առաջ ենք բերում, որ հասկանալի լինի, թէ ի՞նչ մեծ համբերութիւն էր պէտք այդ բոլո՞-

ըր տանելու համար, և ինչ մեծ անմտութիւն կլինէր հայերի կողմից, «ակն ընդ ական»-ով պատասխանել մի գաւառում, ուր 130.000 շունչ մահմեդականութիւն էր հաշւում, և հազիւ 20.000 հայութիւն, ուր ամենածանր գրկանքների/գնով ձեռք էր առնւում ամեն մի զգուշութիւն արիւնահեղութեանց առաջն առնելու համար: Եւ ի պատիւ Շամախում աշխատող հայերի, մինչ մարտի կէսը 1918 թուի՝ հայի ձեռքով չը կար սպանուած կամ կողոպտուած մի թուրք, այն ժամանակ, երբ 1917-ի դեկտեմբերին և 1918-ի յունուար, փետրուար և մարտ ամիսների ընթացքում սպանւում են և մորթուում 63 հայերը:

ւ. 1917 թուի աշնան սկզբին տեղի է ունենում սպանութեան առաջին դէպքը, որը թելագրուած էր Շամախու թուրքերի Միլի կոմիտէից: Մագրասեցիք, որոնք ամենայն ամառ գիւղի հանդերում զոդունի խաշնարածեցնող հարեան թուրքերին սաստելու նպատակով երբեմն նրանց ոչխարներն էին քշում, և լետոյ տուգանելով հաշուում, այս անգամ ևս ոչխար բերելիս հրացանաձուլութեան են բռնւում, և մի հոգի սպանուած տալիս հարեան դարավայրիների գնդակով:

բ. 1917 թուի դեկտեմբերի սկզբներին՝ Շարաղի կայարանի մօտ Գեւորոյնի կոչուած վայրում սպանւում են սաղիանցի Երեմիա Խ. Մատթէոսեա

նը և քովուջեցի մէկը, սպանելուց լետոյ մար-
մինները թըրջել էին՝ սրանց բերած օղիով և ալ-
րել, իսկ տուարը՝ քշել:

գ. 1918 թուի յունուարի 2-ին Քարքանջից
Շամախի տանող ճանապարհին, Բազիրգան կո-
չուած տեղում սպանուած են քարքանջեցիներ՝
Գեօգջա Մնացականեան 80 տարեկան և Հայրա-
պետ Ա. Չաքարեանց 28 տարեկան:

դ. Յունուարի 3-ին Ախոււի մօտ գազալեցի
թուրքերի ձեռով սպանուած է քարքանջեցի Համ-
բարձում Աւետիսեանը 38 տարեկան հասակում:

ե. Յունուարի 16-ին, երեքշաբթի օրը, ցե-
րեկով հիւր են գալիս 2-3 տնից բաղկացած
Գիւրջիլար հայ գիւղը հարեան Քալուա գիւղացի-
ներից երեք հոգի զինուած ծանօթ թուրքեր և
իջնում հարուստ Աբրահամ Ոսկանեանի տունը:
Հիւրասէր տանտիրոջ հացը վայելելուց լետոյ,
հիւրերից մէկը գօտեմարտի պատրուակով զբաղեց-
նում է Աբրահամին, իսկ միւսը հրացանազարկ
անում. ձայնի վրայ ներս է մտնում միակ հարե-
ւանը Յովհաննէս Հայրապետեան, որ նոյնպէս
սպանուած է: Ապա քշում են սրանց ընտանիքի
անդամներին մօտիկ ձորը, և մորթոտում առաջինի
լի կնոջը, ութ տարեկան երեխային և երկրորդի
էլ կնոջը:

զ. Յունուարի 31-ին Քալանթարեանների ալ-

գում սպանւում է գիշերով ալգեպան Միքայել Միրզայեանը:

հ. Փետրուարի 3-ին Նուբանի ջրաղացի մօտ՝ Ախսու գետի օփին սպանւում են Գիւրջեան և Հնդար գիւղերից դարձող մազրասեցիներ՝ Թադէոս Ղառաբեանց 32 տարեկան, Ա.Հարոն Ղասաբեանց 27 տարեկան և երկու սալապաններ:

ը. Փետրուարի 8—9-ին Ջազըրլի կայարանի մօտ սպանւում են 13 հայեր, որ գիւրջեանցիներ, զաջարցիներ և զարգարանցիներ էին: Սրանցից մէկի համար, որ կիսակենդան էր մնացել, հոգար բուրլի փրկանք, իսկ միւսների դիակները տալու համար 100-ական բուրլի վարձատրութիւն էին պահանջում Ֆրէյդուն բէկի մարդիկը:

Ճ. Փետրուարի 23-ին Քիւրգամիրում սպանւում են չորս մարդ՝ մի ժամադորժ, մի դերձակ և երկու ուրիշները:

Ժ. Մարտի 9-ին Շամախուց Քարքանջ տանող ճանապարհին, Բազիրգան կոչուած տեղում երկրորդ անգամ Շամախու թուրքերը սպանում են հետևեալ քարքանջեցիներին, որոնք գալիս էին Շամախի փող ստանալու պոստից, որոնց բոլորին նախապէս մերկացնում են, հասցնելով ամեն մէկին թրով 10—11 հարուածներ՝ Ներսէս Յարութիւնեանց, Թովմաս Ղէլվանդեանց 28 տարեկան և Հայրապետ Մեսրոպեան 25 տարեկան:

ԺԱ. Մարտի 10-ին սաղիանցի Քաչիկեանը Ախսուից անցնելիս, խանութից հրացանազարկ են անում և ձգում դիակը առուի մէջ:

ԺԴ. Մարտի 14-ին հին Քալախանու ճանապարհին շամախեցի թուրքերի մի խումբ Նուրուլա հաջի Հէյդար օղլու, Մահմեդ Ադիլ օղլու և մի երիտասարդ տաճկական սպայի գլխաւորութեամբ լարձակում են Մազրասային մօտեցող եօթ Ֆուրգոնների վրայ, որոնք ապրանք էին բերում Բազուից սպառողական խանութի համար: Ֆուրգոններից չորսը քշում են քաղաք, երեքը մի կերպ փախուստ է տալիս, որոնցից մէկի մէջ էր Նարուր դիւղի մօտ լուծուարի 4-ին վերաւորուած մազրասեցի Պօղոսի դիակը, որին վերաւոր Բազու էին տարել և չէին կարողացել առողջացնել: Տեղում սպանուածներն են՝ Մազրասեցի Բարաջան Արազեանց, քարքանջեցի Արամ Մեսրոպեան, արփոուղցի Ջհանգիր Բադալեան, երկու քալախանցի, որ մարդ ու կին էին. վերջինիս ըստինքներն էին կարատել և Մարաղեցի մոլսկան Ստեփանը, որ Ֆուրգոնի տէր էր:

ԺԶ. Նոյն օրը, մարտի 14-ին Ախսուում գերի են բռնում 17 հողի դաջարցիներ և մի հոգի դուարշէնցի, որոնց տմարդի սպանման մասին մենք քիչ լետոյ կիտանք:

Գալով կողոպուտների, ալան — թալաններէ և

աւագակուծիւնների ցանկին, դրանք այնքան լա-
ճախ էին կրկնուում և միևնոյն օրում, միաժամա-
նակ մի քանի վայրերումն էին կատարուում, որ
հնար չկար տեղեկուծիւնները ի մի հաւաքելու:
Գեկտեմբերին, յունուարին և փետրուարին ար-
քունական ճանապարհի վրայ կողոպտուած են
250 զինուորներ, որոնցից 12-ի զինաթափումը և
մերկացումը կատարուել է Բագուի նահանգից
դուրս, Կվիրիլի կայարանում, վրացիների ձեռ-
քով: Մէջ չբերելով այստեղ Շամախուց և գիւղե-
րից Քիւրդամիր մեկնող և Քիւրդամիրից դէպի
գիւղերն ու Շամախի եկող թալանուած բոլոր
հայերի անուններն ու ազգանունները, որոնցից
խլուած ու լափշտակուած զրամներն, իրերն ու
զէնքերն, ասլրանքը միլիոնների՝ արժէք ունին,
բաւականանանք միայն գլխաւոր աւագակների ա-
նունները տալով, և մատնանշենք, որ սրանք
շարժուում և գործուում էին մի թելագրութեամբ
ու մի ազգանշանով:

Դրանք են՝ Շամախուց Ղարղաշ-խան և
Նուրուլլա՝ Հաջի Նայմաթի
որդիքը: Ազիլ օղլի Մահամէդ
և այլք:

Գիւղերից՝ 1) Թէքլէցի Խալաֆբէկի որդին
Մահամէդ:

2) Հաջի Մուրսալբէկ որդիներով:

- 3) Աղիլ-բէկ Իսկենդեր-բէկով:
- 4) Շահփարան բէկ և որդիքը՝
Շահմար ու Մուսա-բէկ:
- 5) Բէիւք Աղաբէկ Սուլէյման
բէկ օղլի:
- 6) Ջոււշուդ բէկ Շահ Նասիր
օղլի, Շիրին և ուրիշները:

Հայերի ձեռքը գերի ընկած 75 թուրքերից, որոնց մասին իշխում է հեղինակի ծանօթութեան մէջ, սպանուել են 1918 թուի մարտի 15-ից շատ լետու մի օրուայ ընթացքում 73 հոգի՝ ի հիճուկս և ի պատասխան թշնամու ոչ միայն վերը լիշած սպանութիւնների, այլ և վերջին ամենագլխաւոր արարքի. հազարաւոր զինուած թուրքեր տաճիկ սպաների զեկալարութեամբ, արդէն երրորդ անգամ, նախապէս պատրաստած խրամատներից յարձակում են Շամախու գաւառի այն հայ զինւորների վրայ, որոնք վերագառնում էին Բագուից իրենց զիւղերը, անցնելով Շամախի քաղաքից չորս վերստ հեռաւորութեամբ ձգւող ճանապարհով. հէնց այդ օրերում, Ախսում գերի բռնուած 17 զաջարեցի, մի զուարիշէնցի հայերին, որոնց մասին քիչ վերը խօսք եղաւ, սրախողխող են անում այն ժամանակ, երբ վերը լիշած գերի թուրքերից երկուսը ազատ արձակուելով գնում են

Հաղորդելու Ախսուի թուրքերին Հայերի պայմանը, որ, եթէ գերի ընկած զաջարեցի և դուարիշէնցի Հայերը անվնաս արձակուին, մնացեալ թուրքերն ևս բաց կըթողնուին:

Այս 73 անպաշտպան գերի թուրքերի սպանութիւնը պախարակելով Հանգերձ, մենք խիստ ենք դէպի Եղիշէ քահանայ Քեղամեանը նաև հետևեալ պատճառով:

Ինչո՞վ կարելի է բացատրել և այն, որ նոյն պրակի 89—91 էջերում գրուած է: „Շամախում քանդուած և այրուած շինութիւնների թւումն են քսան մզկիթ“: Մինչդեռ „Ազրբէջան“ և մուսուլման սոցիալիստների 1918 թուի № 8 „Մեր ուղին“ թերթերի յօդուածներում, որ գրուած էին Շամախու կործանման և Բագուի մարտեան դէպքերի առաջին տարեկիցին, որոնց մէջ ամեն ինչ գունաւորուած ու դասաւորուած էր լայտնի նպատակով, և անցած՝ կարևոր գործերի քննիչ լանձնախմբի քննութեան բովից, լիջուած և թուած է 13 մզկիթ: Վերջապէս սրբապրղծութեան մէջ Հային մեղադրելիս, ինչո՞ւ է լուռ հեղինակը և չի ասում, որ ամբողջ Ազրբէջանում՝ նուխու և Արէշի շրջաններից սկսեալ մինչ Կասախական ծովի ափերը Հայկական ոչ մի շէն ու աւան կանգուն չմնալով, բացի Ղուբայի Քիււար գիւղից, այդ հարիւրաւոր կործանուած

գիւղերի և ոչ մի գալրոց ու եկեղեցի զերծ չէ մնացել աւերումից, և որ՝ առաջին օրինակը սըրբապղծութեան ու հրդեհի՝ տուել են թուրքերը: Առաջին անգամ սըրբապղծուել և հրդեհով այրուել են Արփոուգի, Խանիշէնի, Քարքանջի և Սէյսարիի եկեղեցիները, Շամախու հալ-բողոքականների ժողովարանը, հայոց գալրոցը իր բեմով, կահկարասիներով, և հայոց գրագարան-ընթերցարանը, որոնցից հաւասարապէս օգտուում էին և թուրքերը, որոնցից և ոչ մէկը չկարողացան հիմնել ու պահել իրենց միջոցներով, չնայած հայերից անհամեմատ հարուստ էին, և ըստ երեւոյթին՝ բանիմաց երիտասարդների թուով՝ գերաւանց:

Նոյն էջերում հեղինակը գրում է և հետեւալը. «Երբ վաշտի առաջապահ մասը քաղաքի դռներին հասաւ, այնտեղ նրան ազուհացով մի աւելորդ, պատկառելի մուլլա գիմաւօրեց. . . Սուլան մանրամասն զեկուցում տուեց քաղաքի դրութեան մասին, ուր մնացել է միմիայն ինքը՝ իրան շրջապատող հասարակութեան հետ, որոնց կեանքի անձեռնմխելիութիւնն է խնդրում: Սպասն միամտացնելով մուլլային, վերադարձաւ իրամասնատարին զեկուցում տալու: Բայց մինչև ևրա վերադարձը գիմաւօրներից մեկը խփել տարաներ էր մուլլային: Գիտէք, ընթերցող, ո՞վ էր այդ մուլ-

լան: Դա նա էր, որ երբ կովկասեան ճակատի զին-
ւորութիւնը բոլշևիզմով վարակուած մասամբ լքել
էր դիւքերը, հասել էր հայրենիք զինաթանի
եղած, մասամբ էլ ճանապարհներին վտանգուած
էր թուրք բանդաների կողմից, երբ ամեն մի ա-
ռիթ կայծ էր, որ կարող էր հրդեհը բռնկեցնել
Շամախուց դեռ ևս 1917 թուի վերջերին, սա
շատ անկեղծ ու սրտաբաց ճառ արտասանեց ի
լուր քաղաքի ամբողջ հասարակութեան, որ ա-
ռանց ազգի խտրութեան մասնակցում էր մի
թուրք պահակի (СТРАЖНИКЪ) թաղման լուղարկա-
ւորութեանը: Նա՛ լայտնի ախունդ ծերունի Զա-
ֆար-Առւլին, որ վարում էր ճգնաւորական կեանք,
և երբէք մասնակցութիւն չէր ունենում քաղա-
քական և աղգամիջեան վէճերում, չէր երևում և
ժողովներում, ողբաց անժամանակ կորուստը մի
ստրաժնիկի, որ մահ էր գտել պարտքի կատար-
ման ճանապարհին, աւազակներին զսպելիս, որոնք
գարձեալ հայերի՛ հետ էին գործ ունեցել: Նա՛
պատկառելի ծերունին, ի լուր հազարաւոր ուն-
կընդիւր ժողովրդի և Շամախու կործանման պատ-
ճառ եզոյ կովկասեան մուֆթի Մուստաֆա էֆէն-
դու, որ նոր էր երկդիմի դամբանական խօսել
նոյն ունկնդիրները առաջ, անիճեց բոլոր սազրիչ-
ներին, անհանգիստ տարրերին դրդողներին: Ապա
նոյն ժամին տեսնելով հայ սալապանները քաղա-

քացի հայերի տնային իրերով լիքը սալները հայ
զիւղերն են քշում, բացականչեց. «Թուրք ժողո-
վուրդ, գնա՛, ընկիր քեզնից խոյս տւող եղբօրդ
ոտները, աղաչիր և թող որ չհեռանայ, քանի որ
առանց նրան դու չես կարող ապրել, և ոչ էլ նա
առանց քեզ կեանք կունենայ»:

Մատնանիշ անել, Յղիշէ քահ. -ի նման անո-
րոշ դարձուածքով, Թէ ով և ովքեր մեղսակից
եղան ոչ միայն այս պատուական մարդու տմար-
դի սպանմանը, այլև աղջկան առևանգմանը. ասել
Եփրատի նման ոլորապտոյտ դարձուածքով, հա-
կառակ ի կիր առած իր անուններ տալու տգեղ
սովորութեան, Թէ՛, Մինչև նրա !!! վերագարձը
զինւորներից մէկը խփել սպանել էր մոլլային»,
մենք մեր արժանապատուութիւնից ստոր ենք
համարում, և յիշեցնում ենք Աւետարանի աշա-
կերտին. «Զի՛ տեսանես զշիւղ յական եղբօր ք, և
ի քում ականդ զգերանդ ո՛չ տեսանես»:

Sapienti Sat.

Ի գէպ. այս պատուական մոլլա Զափար
Ղուլու մասին որոշ գիտումով յիշատակութիւն
անող հեղինակը զլացել է երկու տող խօսք ասե-
լու մի ուրիշ է՛լ աւելի պատուական ու խաղաղա-
ութիւն հարևան թուրքերի կողմից նոյնպէս մոլլա
յորջորջւող հայ Լեւոն վարժապետի մասին. մի
մարդ, որ առաջինը զոհ գնաց թուրքերի գնդա-


կով, տմարդօրէն սպանուելով քաղաքի առաջին
անկումից էլ չորս օր առաջ՝ մարտի 14-ին, մի
մարդ, որ իր հեղինակութեամբ ու պատկառելիու-
թեամբ սաստում էր հէնց թուրքերին, որի ըն-
տանիքում սնուած ու մեծացած, Եամախու ըն-
լական դպրոցում, նրա ձեռի տակ սովորած ու
կրթուած թուրք աշակերտներն այսօր Ադրբէջանի
պառլամենտի անդամներ են և այլ հասարակական
գործիչներ:

1969
A
8038

Հեղինակին շնմանելու համար մենք հրա-
ժարուելով հրաժարուում ենք առհասարակ մեղա-
դրելուց Ըամախու դէպքերի ժամանակ աւելի
շատ կատարած սպանութեանց մէջ հային կամ
թուրքին, և լիշեցնում ենք ոչ իբր նորութիւն,
որ ամեն մի երևոյթ ունի իր պատճառը:

Մեր ներկան անխուսափելի քայլն է անցեալի,
որ շարանն է մի քանի տարիների սարսափելի արեան
բաղանջի, սպանութիւնների, արիւնհեղութիւն-
ների, մարմնական և հոգեկան քայքայման անխու-
սափելի հիւանդոգնութեան և այլանդակութեան:

Այս երկարամեայ սպանդանոցի պայման-
ները հարուստ հող ունէին և լեղափոխութեան
հիւանդոգնութեան համար, որը աւելի ծաւալուեց
և խիստ տարածուեց լեղափոխութեան, խորաց-
ման, և նրան կից քաղաքացիական կռիւների
ժամանակ:



Ահա այդ է, որ չպէտքէ զարմացնի ժողովրդի հոգուն անհարազատ իր խստութիւնների և գազանութիւնների պէսպիսութեամբ, ալ և ամեն ինչ աւերելու ու աւարելու անմիտ ցանկութեամբ, որից զերծ չէին ոչ հայերը և ոչ թուրքերը, որն անշուշտ հետեանք էր և արգասիք՝ բարբարոս պատերազմի, որից զերծ չմնացին անգամ կովկասեան ազգերի մտաւորականները, երբ սրանց մէջ ազնիւ ու շիտակ համարուած շատ շատերը շանգիսացան որպէս արկածախնդիրներ, գողեր, թալանչիներ, աւազակութեան մէջ մեղսակիցներ:

Եւ շնայած որ — Եղիշէ քահանան իր գրքի ա. պրակի 38 էջում ասում է. „Թաթարական քաղաքական գործիչները հէնց սկզբից և եթ ազգայիններ էին, և այդպէս էլ մնացին մինչև վերջը: Նրանք՝ էլ չկամեցան ալ ևս Խուսիայի հպատակը մնալ, ալ ձեռնարկեցին իրանց ինքնուրոյն, անկախ երկիրն ու իշխանութիւնն ունենալու, որ շատ ազնիւ ու բնական է ամեն մի փոքր ի շատէ գիտակից ազգի համար, երբ նա իրան տիրող ազգի կամ իշխանութեան համար՝ խորթ, արհամարուած և իրաւազուրկ զաւակ է դարձել“: Եւ նուամենայնիւ, արդարացնել այդ թաթարական քաղաքական գործիչների գործելակերպը, մանա-

ւանդ Չամախի քաղաքի ու նրա հարուստ և բարեշէն, ալժմ աւերակ դաւառի նկատմամբ՝ հէնց իր Ադրբէյջանի՝ պեասկանութեան շահի տեսակէտից՝ անկարելի է:

Յոյց տալու համար լանցանքի մեծութիւնը թուրք արկածախնդիրների, հարկ է ալստեղ կանգ առնել երկրի երեսից վերացած Կովկասի հնագոյն քաղաքներից ալս դժբախտի վրայ, որը հին ժամանակներից ստորերկրեայ հարուածներին ենթակայ լինելով, չնայած կրել էր մեծամեծ վնասներ, բայց էլի կանգուն էր մնացել, լոյս ունէր լաւ ապագայի: Սկսեալ խազարներից քանի՛-քանի՛ անգամ աւերուել էր պարսիկների, արաբների, մոնղոլ-թաթարների, օսմանցիների և կովկասեան ալլ լեռնականների ձեռքով: Մինչև ուսանների գալը պարսից շահերից լալսնի Նադիրի հրամանով 1734 թուին քաղաքը փոխադրուել էր Ախսուի մօտերը, բայց լետոյ դարձեալ հաստատուել իր տեղում: Նոյն ալս պատմութիւնը կրկնուել է նաև ուսաց տիրապետութեան նախօրեակին, Զուբովի արշաւանքի ժամանակ, երբ քաղաքի — Չիրվանի վերջին խանը՝ Մուստաֆան, որի հայասիրութեան մասին ալժմ էլ աւանդութիւններ կան ժողովրդի բերնում, ուսաններից ապահով մնալու մտադրութեամբ՝ փոխադրել է տալիս բնակիչներին Փիդ-դադ կոչուած կովկասեան լեռնաշղթայի մի կիրճը:

Բայց լեսույ 1805 թուին հաւատարմութեան
 երդում տալով՝ դառնում, հնազանդւում է և
 վերջը փախչում Պարսկաստան: 1820 թուին ռուս-
 ները վերջ են տալիս խանութեան, և Վամախին
 միացնում ռուսական տէրութեան: Անցնելով
 ռուսների ձեռքը, սկսել էր աւելի մեծանալ, գե-
 դեցկանալ բազմաթիւ շէնքերով: 1846 թուին
 դառնում է նահանգական քաղաք: Քանի կովկաս-
 եան երկաթուղին չկար, այդտեղով էր անցնում
 մեծ ճանապարհը, որ կապում էր Կովկասը և
 Պարսկաստանը Ռուսաստանի հետ: Սրանով հաս-
 կանալի է դառնում ժողովրդական երգի այն տո-
 ղը, որ ասում է. «Լուսնեակն ինձ ցերեկ, Ըիրվա-
 նը աղուղ բերէք» կամ «Ըիրվանի քարուան բերէք»:
 Այդ ցոյց է տալիս, ինչպէս և հաստատ է, Վա-
 մախին հարուստ է եղել ոչ միայն մետաքսէ և
 այլ ապրանքներով, այլ և այստեղով են անցել
 մեծամեծ կարաւանները, և հայ վաճառականները
 ու մետաքսէ դործարան ունեցողները պակաս դեր
 չեն խաղացել այդ քաղաքի բարգաւաճման գոր-
 ծում: Եւ շամախեցիներից ոչ ոք չի կարող ուրա-
 նալ հայերի մեծագործութիւնները թէ՛ քաղաքին
 ջուր մատակարարելու խնդրում, թէ՛ դպրոցական
 և թէ՛ այլ հանրօգուտ ասպարէզներում, որոնցից
 հաւասարապէս օգուտում էին բոլորը առանց ազդի
 խտրութեան: Ս'ինչդեռ թուրքերի մէջ քաղաքա-

կըրթութիւնը կասեցնող երևութիւններից դուրս՝ ըս-
պանութիւններից, աւազակութիւններից բացի այլ
բան մենք չենք կարող ցոյց տալ, ո՛ւր մնաց հան-
րօգուտ գործ կամ բարեգործութիւն, նոյն իսկ
վերջին տասնամեակներում, երբ ամբողջ հարս-
տութիւնն ու առևտուրը թուրքերի՝ ձեռքին էր:

Սակայն 1859 թուից նահանգական քաղաք
դառնում է Բագուն .և այնուհետև թէև պարբե-
րական երկրաշարժները, Կովկասի երկաթուղագի-
ծը, Բագուի հարստանալը զրկում են Շամախին
իր վայելչութիւնից, նա դառնում է մի լետ ըն-
կած վայր, հասարակ գաւառական քաղաք, բայց
նա իր առևտրով և հարուստ վաճառականների
արած մեծաքանակ շրջանառութեամբ ու մանա-
ւանդ, հայ գիւղերից մի քանիսի եկամուտներով,
որ լցում էր պետական զանձարանը, մրցում և
անցնում էր Կովկասի շատ քաղաքներից:

Ահա այնպիսի մի քաղաք ջնջում են հրդե-
հով և կողոպուտով փոխադարձ յարձակմամբ, դեռ
ևս տաճիկները չեկած, 1918 թ. մարտի 18-ից
մինչ ապրիլի 15-ը հ. տ. հայ - թուրքական և ա-
ռաւելայէս թուրքերի և մանաւանդ մուֆթի
Մուստաֆա էֆէնդու խաբեբայ, երկդիմի և ան-
հեռատես քաղաքականութիւնը մի կողմից, ու-
սական լեղափոխութեան շարժման հետևանքով
առաջացած բոլշևիկական հոսանքը միւս կողմից:

Այսպէս ուրեմն Շամախու կործանումը աւելորդ անդամ հաստատելով, որ աւելի՛շատ տներ ու քաղաքներ մարդու ձեռքով են քանդուած, քան թէ փոթորիկների ու երկրաշարժների, մենք Շամախու պատմութիւնը առաջ բերինք նաև ցոյց տալու համար, որ մահմեդականութիւնը Շամախուում ոչ միայն ըստ Եղիշէ քահանայի ասածի՝ «չէր արտայայտուում անկեղծօրէն ու չէր համակրում մեր ջանքերին Ֆրոնտը պաշտպանելու» ընդդէմ տաճիկների, այլ նա ձեանալով լեզափոխական, նիկոլայեան բէժիմը պախարակող, զոհեր ու զուարակներ էր մատուցանում և օրեր համարում՝ սպասելով տաճկական արշաւանքին, ու տաճիկը չեկած դեռ, մի կողմից նրա բէժիմն էր պատուաստում, միւս կողմից Շամախու գարնիզունին զօրք տալու խնդիրը պահանջ գնելով, չէր քաշուում հաւատացնելու, որ ինքն ևս այդ զօրքերով պաշտպանելու է Ֆրոնտը տաճիկներից, հայերի և վրացիների հետ կողք կողքի՛, և որ ճանապարհները անվտանգ կգառնան, եթէ հայերը և մուսկանները գարնիզունի խնդրում զիջող հանգիստնան:

Ահա այսպիսի խտրերայ քաղաքականութեան ստպարէզ դարձած մի վայրում՝ հայը ակամայ կորցրեց իր հաւասարակշուութիւնը, սրին աւելանալով բարեկամ ձեացող մուսկանների երկդմի քաղաքականութիւնը, նրան յուսահատութեան

գուճը հասցրին, և նա լքելով ամեն բան, ինքն
ևս սատարեց, որ այդ գաւառն ու քաղաքը ամա-
լանայ, որի մեծ կորուստը դեռ նոր է զգացու-
մ. բայց երբ հայի՝ լարձի թողի արած արտն ու ան-
դաստանը, բերրի ու մշակած այգիները վերջնա-
կանապէս անապատի վերածուին, այն ժամանակ
միայն ազլըէջանցի հայրենասէրը կհասկանայ իր
սխալը, իսկ շամախեցիները օրհնութեամբ կլիշեն
Ջաֆար-Ղուլուն, որ գուշակեց. „Բու առանց հա-
յի չես կարող ապրել և ոչ էլ նա առանց քեզ
կեանք կունենայ“:

Ղուբայի մասին խօսելիս Եղիշէ քահանայ
Գեղամեանը դրում է. „Հայերին զեռեղել էին
քաղաքային բանառւմ, իսկ Ղուսարի 38 հայերին
մի շինութեան մէջ: Պառտարարուս!“, կամ *և թե
ռզոսմ էր՝ յանտարկուսմ* հայերը կերակրու-
մ էին ամեն մէկը կէս ֆունտ հաց ստանալով“:

— Այ. հայերը բանտարկուեցին ինչպէս Ղու-
բայում, նոյնպէս և այլուր. դա ընդհանուր և
մշակուած ծրագիր էր, և կոյր մտօք պէտք է լի-
նել չհասկանալու համար այս բանը: Եւ եթէ
հայերի բանտարկութիւնը չյաջողուեց Եամախում,
որի համար ընդարձակ բանտը վաղուց էր դա-
տարկուած 300-ից աւելի քրէական բանտարկեալ-
ներից, որ ազատ արձակուեցին Մուսքաֆա էֆէն-
դու հրամանով, պատճառը մերոնց կանխելն էր:

Ախայ և սու՛տ է Եղիշէ քահանայի հաղորդածը - Գեօքչայի մասին, թէ մինչև Ամիրեանի վաշտի Գեօքչայի գաւառն անցնելը, տեղական հայ և թուրք ազգաբնակութեան մէջ ո՛չ մի բնդ-հարում տեղի չէր ունեցել: Գեռ ևս մարտի մէջ՝ Գեօքչայից Բարք-Գարա շանոզ ճանապարհին, կամրջի մօտ սպանել էին Փառնակ քահանայ Շահբամանեանին, որին մերկացրել և կըտրատել էին. սպանել էին նոյնպէս և մի բողոքականացի ու մի գեօքչայեցի ճանապարհին, իսկ Մուսիս-լիում՝ երկու հոգի: Ապրիլի սկզբներին յարձակուել էին թուրքերը Փաթաքլու գիւղի վրայ, որի բնակիչները ապաստանեցին Գիրք գիւղում: Ապրիլի 15-ին յարձակուել էին Գարմախանի գիւղի վրայ, երկու տուն այրել, գիւղը թալանել, մի կին սպանել էին, իսկ ապրիլի 20 ից յետոյ յարձակումները Գեօքչայում յաճախակի էին, ե՛րբ հասաւ Ամիրեանը:

* * *

Մենք այս բոլորը առաջ բերինք, ոչ թէ աննուզողալ հեղինակին խելքի բերելու, այլ հարկըս արժանաւորաց տալով, ցոյց տալու նրա լանդուզն լաւակնութիւնը, որ առանց Շամախու գէպքերին, անց ու դարձին իրազեկ լինելու, էլ չենք ասում ականատես, զարգարում է իր գրքի ճակատը մատենագիր Եղիշէի խօսքերով, որը ներ-

կալ զէպքում սաղական կլինէր կարգալ. ,,Ի կարծ
ընդոստուցեալ և ի լուր զարթուցեալ, ալ ոչ
անձամբ անձին պատահեցի, և ոչ ի տեղոջն տե-
սի“:

Այսպէս սուտակաստաս գիրք թխելով, գուցէ
ներելի ինէր տէրտէրին քարոզել բացարձակ
թրքասիրութիւն. թրքաց օրինատացիա. նոյն իսկ
մենք ներելի ենք համարում նրա համար Ձէնով.
Օհանի նման ասել.

„Եկ, ոսկի տանենք, աղջիկներ տանենք,
Չոքենք առաջին, պաղատանք անենք,
Գուցէ մեզ գթայ,
Մեզ սրի չտայ...“

Բայց ուրիշի՛ ընձեռած նիւթերից օգտուելով,
առանց հանգամանօրէն կշռագատելու աղաւաղել
փաստերը. ելինել, ուղեղում ցցուած իր տենդենցը մի
անգամ էլ պնդելու համար փաստարանել, թէ հայերը
ուելի շատ են թուրք սպանել, միայն նրանք են
թալանել, աւերել ու սրբապղծութիւններ կատա-
րել Չամախում, դա արդէն թրքասիրութիւն չէ,
դա թրքամոլութիւն է մի հեղինակի կողմից, որ
զիտէ հալ սրբապղծութեան և սպանութեան
դասեր թուրքից է սովորել. դա թրքամոլութիւն
է հայ քահանայի կողմից, որը հաստատ զիտէ և
չէ կարող թէկուզ օրինակի համար, ցոյց տալ մի
թրքուհի բռնութեամբ կամ ակամայ կին դարձած

Հայ մարդուն, այն ժամանակ, երբ երկրորդ աս-
րին է լրանում, որ հեղինակի քթի տակ, գիրքը
գրելու օրերին և այժմ, Ազրբէջանի մայրաքաղա-
քում անգամ՝ երկու սեռի անթիւ Հայ թշուառներ
մեծ ու փոքր իշխանաւորների կրքերին զո՛հ են
դարձած, խոշտանգուած. իսկ գեղեցիկները մի
տեղից միւս տեղ են տարւում. ուշ գիշերներով
են հանւում դուրս Սուրախանիի և Մաշտաղայի
հարեմներից, քաղաքի փողոցներում շրջեցնելու
համար:

Կա ծառայութիւն է մի հայ քահանայի
կողմից այն վոհմակին, որի արհեստն է օրն ի
բուն փաստերը խեղաթիւրելով ի վնաս հայու-
թեան խօսել ի տարասպարտուց, այն ժամանակ,
երբ Ազրբէջան՝ ծնունդ առած հարազատ տաճ-
կաստանից՝ ոչնչով չէ՛ տարբերւում հայերի հետ
վարւելու եղանակի մէջ, որի նկարագիրը դեռ
ժե-րդ դարի ձեռագիր լիշատակարանը այսպէս է
պատկերացնում. «Ձի բաժանէին զորդիսն և ըզ-
դըստերս ի մարց և ի հարց և գեղբայր լեղբարց
և աղիողորմ էր լացն և աղաղակն, զոր ո՛չ կարեմ
գրով արկանել...»

Իսկ նրանց մասին, որ խուլ անկիւն-
ներում և Ազրբէջանի գաւառներում, «կան-
խեցին ուրանալ զլուսաւոր հաւատս իւրեանց ի
խնդիր կենաց և ի գինս հացի», ո՛վ կարէ պատմել:

„Հաշեցան քահանայք¹⁾ ի լլկանաց հալածչաց իւրեանց, և արկին զգիտիունս նոցա գէշ — թռչնոց երկնից, պղծեցին զտաճարս մեր սուրբ, և զեկեղեցիս մեր որպէս զհիւզս մրգապահաց արարին: և հա ալս բոլորը Եղիշէ քահանայի կողմից մուսութեան մատնուած, մինչ ադրբէջանի հալը փըշաքաղուած տեսնում է ալս երկրորդ տաճկաստանի իր դէմ ուղղած նորահար սարսափները և արհաւիրքները, ու ընդարմացած՝ չի կարողանում իրան հաշիւ տալ, թէ ինչ է սպասում վաղուան օրը, մեր հեղինակը իր գրքով ժամանակ է գտել հալ ժողովրդի գլխին ընկոյզ կտրելով, հաշիւները մաքրել — դաշնակցութեան հետ:

Ամենևին ցանկութիւն չունենալով հեղինակի յարձակումների դէմ դաշնակցութեան օգտին խօսք ասելու, մենք կարևոր ենք համարում ալստեղ շեշտել այն արգահատելի հանգամանքը, որ տէրտէրի յալանի ատելութիւնը և անզօր կատաղու-

1) Ծանօթութիւն. Չամխու և Գեօրչայի ու Ղուրաի քահանաներից սպանուած են՝ 1) տէր Եփրեմ Գաղայեան, Թամբաղեան, Արմինակ Գասպարեան, Տէր-Յովսէփեան, Չահրամանեան, Ատովմ Փիրոյերդեան, Գէորգ Աւագեան, Բարսեղ Փիրոյերդեան, տէր Սիմէօն, Յովհաննէս Նաջարեանց և շատ ուրիշները, որոնց մասին դեռ հաստատ տեղեկութիւններ չկան, և շատ շատերի անուններն էլ դեռ նոր պիտի լսենք:

Թիւնը դէպի գաշնակցութիւնը լինելով Ֆանատիկի հիւանդագնութեան արդիւնք, փոխանակ գաշնակցութեան՝ թափում է հայ ժողովրդի՝ գլխին: Եւ այստեղ դարձանալու ու անբնական ոչինչ չըկայ: Եթէ ուզեցով ու մտքով հիւանդ ու Ֆանատիկ գաշնակցականը պնդում է, որ գաշնակցութիւնը ինքը հայ ժողովուրդն է, կամ՝ հայ ժողովուրդը ինքը գաշնակցութիւնն է, ինչ դարձանք, որ հակառակ բանակի նոյնպիսի հիւանդ մի Ֆանատիկ ~~չ~~ կարող է անպատիժ կերպով գաշնակցութեան փոխարէն թէ բանիւ և թէ գործով անտեղի հայհոյել հային, թքել ու մրոտել հայութիւնը, հայ ժողովուրդը:

Այս ուղղութեամբ թափած նրա լուտանքների մասին աւելորդ համարելով երկարացնելը, մենք վերջ ենք տալիս այս ընդդիմախօսութեանը, որովհետև ժողովրդի ասածի պէս՝ գժի տէ՛րը կամաչի:

Վերջացնելով մեր ասելիքը հեղինակի գրքի ա. պրակի վերաբերմամբ, ընթերցողն անշուշտ նկատեց, որ մենք ոչինչ չառարկեցինք նոյն գրքի բ. պրակի նկատմամբ, որ նոյնպէս հարուստ է Շամախու և այլ գաւառների հայութեան վերաբերեալ տեղեկութիւններով:

Այս բ. պրակը լոյս է տեսել առաջինից բաւական ժամանակ անցած, երբ արդէն քահանա-

լին հարկաւոր նկատողութիւնն արուճ էր ում
կողմից պէտք էր, և ա. պրակի խեղաթիւրումնե-
րը մատնանշուած էին:

Հէնց այդ տսլաւորութիւնը մեղմելու գիտու-
մով, և ոչ ալ նպատակով, է հարստացրել նա բ.
պրակն ևս Շամախու գաւառում վերաբնակուած
իրաւագուրկ հայութեան սև ու լլկումներով լի
կեանքի մի քանի ամիսների նկարագիրը տալով
Ադրբէջանի իշխանութեան տակ, այն հայութեան,
որ գատապարտուած է ստորաքարշ ու գանդաղ
մահուան, ազգովին ոչնչացման:

Այս տեղեկութիւններն ևս քաղած լինելով
նոյն աղբիւրից, որով հեղինակը օգտուել է ա.
պրակը կազմելիս, ոչ մի դէպքում և ոչ մի տեղ
հարկ չէ համարել մի լիշատակութիւն անելու
այդ մասին:

Վ Ե Ր Ջ:

Պատրաստ է տպագրութեան համար՝

„Աղուանից աշխարհի հայութեան բնաջըն-
ջումը, և նրա բեկորների կեանքը Ադրբեջանի իշ-
խանութեան տակ“:

Շ ա մ ա խ ե ց ի :

